

## **2018 urtean herrian emango diren Gizarte Larrialdietarako Laguntzetan aplikatu beharreko irizpideen onarpena.**

Tokiko Gobernu Batzarrak, bi mila eta hemezortziko otsailaren hemeretziaren egindako bileran, besteak beste, honako erabakia hartu du

2018 urtean herrian emango diren Gizarte Larrialdietarako Laguntzetan aplikatu beharreko irizpideak onartzea.

### **1.- Urteko gehienezko zenbatekoak.**

#### **a) Alokairu gastuengatik:**

1.- Bizikidetzaren unitate bakarrekotako etxebizitzaren kasuan, errentari bakarra, ko-arrendatuta edo azpiarrendatuta badaude, gehienezko laguntza **250** eurokoa izango da, etxebizitzaren alokairuaren prezioaren %70etik gorakoa ezin delarik izan.

2.- Etxebizitza ko-arrendatuta badago edo azpirrendamenduak badaude etxe horretan, ez dira bi eskaera baino gehiago onartuko, indarrean dagoen Etxebizitzagatik Prestazio Osagarriaren arautegian ezarritakoaz bat etorritik, zenbatekoa bizikidetzaren unitatearen artean banatuko delarik. Bi bizikidetzaren unitateentzako muga **125** euro izango da hilean, bizikidetzaren unitate bakoitzeko, bien artean ezin dutelarik gainditu etxebizitzaren prezioaren %80.

3.- Etxebizitzak ostatatze edo apopilotza kontratuak baditu, kontratu mota horrekin bi eskaera baino ezin dira egin, aurrekoarekin bat etorritik. Laguntzaren muga hilean **125** eurokoa izango da bizikidetzaren unitate bakoitzeko, arau orokor gisa.

4.- Legalki eraturiko hotel, hotel-apartamendu eta pentsioetan bizitzeko gero, muga **250** eurotan kokatuko da, prezioaren %70 ezin delarik gainditu.

5.- Eusko Jaurlaritzak edo beste Herri Administrazio batzuk edo horien mende dauden erakundeak emandako Babes ofizialeko etxebizitzaren kasuan ez da ordainduko alokairuagatik Gizarte Larrialdietarako Laguntza, oinarritzeko gizarte zerbitzuak antzemandako salbuespenezko kasuetan izan ezik, eta benetako beharrezkoak dagoela justifikatuta.

**b) Etxebizitza bat edo ostatua eskuratzeko, gizarte larrialdi egoeraren aurretik egindako kredituak amortizatze eta interesen gastuengatik, hilean 250** euroraino, hileko interesen eta kredituaren hileko amortizazioaren %70etik gorakoa ezin delarik izan.

Kontzeptu honengatik edo ohiko etxebizitza eta ostatua ordaintzeko kredituagatik Gizarte Larrialdietarako Laguntzak jasotzeko gehienezko denbora

ez da 5 urte baino gehiagokoa izango, elkarbizitza unitatea existitzen den aldi osoko batura modura. Muga hau ez zaio aplikatuko erretiro-pentsioaren titularren pertsoneri.

Eusko Jaurlaritzak edo beste Herri Administrazio batzuk edo horien mende dauden erakundeak emandako Babes ofizialeko etxebizitzaren kasuan ez da ordainduko kredituak amortizatzeko eta interesen gastuengatik Gizarte Larrialdietarako Laguntza, oinarrizko gizarte zerbitzuak antzemandako salbuespenetzko kasuetan izan ezik, eta benetako beharrezko dagoela justifikatuta.

**c) Energia gastuengatik**, hots, elektrizitate, gas edo etxean erabilitako beste edozein erregairen horniduragatik. Urte erdiko gastuari dagokion zenbatekoa emango da, urtean 500 euroko mugarekin. Bi elkarbizitza unitate ekonomiko independenteen kasuan, bakoitzari **250** euroraino urtean.

**d) Ohiko etxebizitza edo ostalua izateko eta mantentzeko behar diren beste gastu batzuetatik**, (kontzeptu honetan sartzen dira ura, zaborra, estolderia, hiri- edo landa-higiezinaren gaineko zerga, jabekide erkidegoaren kuotak eta etxebizitza-aseguruen gastuak), Urte erdiko gastuari dagokion zenbatekoa emango da, urtean 500 euroko mugarekin. Bi elkarbizitza unitate ekonomiko independenteen kasuan, bakoitzari **250** euroraino urtean.

**e) Altzari eta "lerro zuriko" etxetresna elektrikoaren gastuengatik**, 0 euro urtean.

**f) Etxebizitzaren oinarrizko moldaketa, konponketa eta instalazioengatik gastuak**. Salbuespen gisa urte bakoitzeko 1.000 euroraino ordaindu daitezke honako kasuetan:

Larrialdi eta urgentzia kasuetan. Kasu horiek baloratzeko etxebizitza bisitatuko du Gizarte Zerbitzuetako teknikariak, Osasun edo Hirigintzako Saileko teknikariek lagunduta.

Eraikinean egindako konponketa obrak direnean eta jabekide erkidegoak onartuta daudenean. Kasu honetan interesdunari obra aurrekontua eskatuko zaio, parte hartzearen kuotaren arabera ordaindu behar duen zenbatekoa eta obra-lizentzia. Halaber, derrigorrezkoa izango da familiak aldeztatik Eusko Jaurlaritzari egitea eskaera.

Bi elkarbizitza unitate ekonomiko independenteen kasuan, bakoitzari 500 euroraino urtean.

**g) Oinarrizko beharrezkoentarako gastuengatik**, 1.500 euro urtean.

Honako gastuak sartzen dira:

- Betaurrekoak, audifonoak, beste erakunde batzuk ordaintzen ez dituzten aparatu ortopedikoak, dentista-gastuak...
  - Betaurrekoentzat emango den gehienezko kopurua: monofokalentzat 150 euro eta bifokal-progresiboentzat 300 euroraino.
  - Tratamendu odontologikoentzat, 1.000 euroraino, inplanteak eta hortzak zuzentzeko aparatuak ez direlarik sartzen, osasun-arazoengatik ez badira jartzen).
  - Audifonoak, 1.000 euroraino.
- 6 urtetik gorako adin txikikoentzako estimulazio goiztiarreko tratamendua, txostenarekin justifikatuta: urtean 1.000 euro gehienez.
- Elikadura, Gizarte Zerbitzuen txostenaren bidez justifikaturiko salbuespenezko egoeratan (SBE jasotzen ez dutenek eta SBE baino sarrera txikiagoak dituztenek). Urtean 1500 euro.

**h) Aldez aurreko zorpetze gastuengatik,** 3.000 euroraino urtean. Bi elkarbizitza unitate ekonomiko independenteen kasuan, bakoitzari 1500 euroraino urtean.

Aldez aurreko zorpetze gastuengatik urteko gehienezko diru-kopuruak, ez dira izango, kasu bakoitzea, aipatu kontzeptuentzat aurreikusitako gehienezko zenbatekoak.

**2.- Dena den,** artikuluko honetako 1. pasarteko a), b), c), d), e) eta f) ataletan agertzen diren kontzeptuengatik Gizarte Larrialdietarako Laguntza jasotzea ez da bateragarria Etxebizitzarako Prestazio Osagarria jasotzearekin.

**3.- Eskaeren konkurrentzia eta Gizarte Larrialdietarako Laguntza eskatu dezaketen bizikidetzaren unitateak.** Gehienez etxebizitza bereko 2 bizikidetzaren unitatek eskatu dezakete Gizarte Larrialdietarako Laguntza. Gizarte Larrialdietarako Laguntzarako bi eskaera baino gehiago badaude, lehenengo egin den eskaerari erantzun zaila, Gizarte Zerbitzuek txosten batean beste irizpideren bat ez badute adierazten.

**4.- Eskaera bakoitzari esleitu dakiokkeen zenbatekoa.**

Eskaera bakoitzari esleitu dakiokkeen zenbatekoa era honetara kalkulatu da: Familia unitatearen sarreren arabera kalkulaturiko portzentaje bat aplikatuko da Eusko Jaurlaritzaren aginduan kontzeptu bakoitzarentzat ezartzen den gehienezko zenbatekoaren gain edo benetan egindako gastuaren zenbatekoaren

gain, gastua kontzeptu horregatiko gehienezko zenbatekoa baino txikiagoa denean. (Eusko Jaurlaritzaren arautegiak kalkulua egiteko behar diren taulak ezarri ditu, bai biztanteria orokorrari dagokiona eta bai pentsionistei aplikatu dakiokiena).

**5.- Gizarte Larrialdietarako Laguntza jaso ahal izateko ondare-muga.**

Ohiko etxebizitzaren balioa zenbatu gabe, baldin eta balio izugarriko etxebizitza bat ez bada, ondare-muga 10.000 eurotan ezarriko da.

**6.- Gizarte Larrialdietarako Laguntzengatik familia batek urtean jaso dezakeen gehienezko zenbatekoa.**

Gizarte Larrialdietarako Laguntzengatik urtean jasotako diru-kopurua gehienez, 1.500 eurokoa izango da, kopuru horretatik kanpo geratzen direlarik etxebizitzaren alokairua eta kreditu hipotekariaren amortizazioa ordaintzeko laguntzak.

**7.-** 2018 urteko Gizarte Larrialdietarako Laguntzak eskatzen dituzten familia-unitateek aurreko urteetan jasotako laguntzak justifikatuta eduki beharko dituzte.

**8.- Eskaera aurkezteko epea.**

2018ko Gizarte Larrialdietarako Laguntzak eskatzeko epea martxoaren 1etik azaroaren 30era izango da.

Valle de Trápaga-Trapagaranen, 2018ko otsailaren 23an.

ALKATEA

Izptua.: Xabier Cuéllar Cuadra